



Monsieur Fernand Etgen  
Präsident vun der Chamber

Lëtzebuerg, de 6. Oktober 2022

Här Präsident,

sou wéi den Artikel 82 vum Chambersreglement et virgesäit, bieden ech Iech, dës erweidert parlamentaresch Fro un den Här Minister fir Landwirtschaft, Wäibau a ländlech Entwécklung weiderzeleeden.

D'Regierung huet sech d'Zil gesat, déi biologesch Landwirtschaft konsequent ze fërderen. Den nationalen Aktiounsplang PAN-Bio25 soll dozou bäidroen, dass bis 2025 20% vun den Agrarflächen no de Reegele vun der Biolandwirtschaft bewirtschaft ginn. Vu dass zu Lëtzebuerg e groussen Deel vun deene Flächen Gréngland ass, spillen d'Veermaartung vum Bio-Rëndsfleesch a vu Mëllechprodukter an deem Kontext eng besonnesch Roll.

De PAN-Bio25 gesäit ënner anerem vir, dass d'Nofro u Bioprodukter gestärkt gëtt. Sou solle bis 2025 50% vun de Produkter déi a Kantinnen verschafft ginn, vu Lëtzebuerg kommen. 2/5 dovou solle Bio-Produkter sinn. An enger éischer Etapp goufe Pilotprojeten gestart an de Maisons relais a Lycéeën.

Dozou wéilt ech folgend Froe stellen :

- Wat ass d'Resultat vun deenen Pilotprojeten ? Wéi héich ass den Undeel u Bio-Produiten an u Lëtzebuenger Produiten insgesamt an deene Kantinnen, déi fir d'Pilotprojeten ausgewielt goufen ? Kenne si d'Zilvirgaben aus dem PAN-Bio25 errechen ?
- Falls net : wat sinn d'Ursaachen dofir ?
- Bei wat fir enge Liewensmëttel ass déi Lëtzebuenger Landwirtschaft an der Lag, d'Nofro vun de Kantinnen u Bio-Produkter ofzedecken ?
- Wéi héich ass am Schnëtt d'Präisdifferenz pro Menü fir d'Kantinnen, déi un de Pilotprojeten deelhuele ?

Mat déiwem Respekt,

Tess Burton  
Deputéiert